



სსიპ შოთა რუსთაველის საქართველოს ეროვნული სამეცნიერო ფონდის
გენერალური დირექტორის

ბრძანება № 144

2022 წლის 29 ივლისი

ქ. თბილისი

ახალგაზრდა მეცნიერთათვის სტიპენდიის მოსაპოვებლად კონკურსის გამოცხადების
შესახებ

„საჯარო სამართლის იურიდიული პირის - შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის N62/ნ ბრძანებით დამტკიცებული წესდების მე-5 მუხლის მე-2 პუნქტის „ე“ და „პ“ ქვეპუნქტების საფუძველზე და სსიპ - შოთა რუსთაველის საქართველოს ეროვნული სამეცნიერო ფონდის მეცნიერების პოპულარიზაციის სამსახურის უფროსის სამსახურებრივი ბარათის (N854383, 29.07.2022) შესაბამისად,

ვბრძანებ:

1. დამტკიცდეს სსიპ შოთა რუსთაველის საქართველოს ეროვნული სამეცნიერო ფონდის (შემდგომში ფონდი) ახალგაზრდა მეცნიერთათვის სტიპენდიის მოსაპოვებლად კონკურსის (შემდგომში კონკურსი) წესი ამ ბრძანების დანართი N1-ის შესაბამისად;
2. დამტკიცდეს კონკურსის შესახებ კრებსითი ინფორმაციის ფორმა ამ ბრძანების დანართი N2-ის შესაბამისად;
3. დამტკიცდეს კონკურსის პროფესიული ბიოგრაფიის (CV) ფორმა ამ ბრძანების დანართი N3-ის შესაბამისად;
4. დამტკიცდეს კონკურსის სამეცნიერო ნაშრომების ფორმა ამ ბრძანების დანართი N4-ის შესაბამისად;
5. დამტკიცდეს განმცხადებლის სამოტივაციო წერილის ფორმა ამ ბრძანების დანართი N5-ის შესაბამისად;
6. დამტკიცდეს კონკურსში მონაწილეობის განცხადების ფორმა ამ ბრძანების დანართი N6-ის შესაბამისად;
7. კონკურსის კოორდინატორად განისაზღვროს ფონდის მეცნიერების პოპულარიზაციის სამსახურის სპეციალისტი, ეკატერინე მიქაუტაძე;
8. დაევალოს ფონდის მეცნიერების პოპულარიზაციის სამსახურს წინამდებარე წინამდებარე ბრძანების ფონდის ვებგვერდზე განთავსება;
9. ბრძანება ძალაშია ვებგვერდზე გამოქვეყნებისთანავე.
10. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი №64).

დამტკიცებულია
სსიპ შოთა რუსთაველის საქართველოს ეროვნული სამეცნიერო
ფონდის გენერალური დირექტორის
2022 წლის 29 ივლისის N144 ბრძანებით

ახალგაზრდა მეცნიერთათვის სტიპენდიის მოსაპოვებლად კონკურსის წესი

მუხლი 1. ზოგადი დებულებანი

1. წინამდებარე წესი აწესრიგებს კონკურსში მონაწილე სუბიექტების მიერ ახალგაზრდა მეცნიერთათვის სტიპენდიის მოსაპოვებლად კონკურსის (შემდგომში - კონკურსი) ფარგლებში სტიპენდიის გაცემის, კონკურსის გამართვისა და საკონკურსო განაცხადის (შემდგომში - საკონკურსო განაცხადი) განხორციელების მონიტორინგის წესს.
2. კონკურსის მიზანია მეცნიერების პოპულარიზაციისათვის ახალგაზრდა მეცნიერთა წახალისება, რომლებიც ეწევიან სამეცნიერო-კვლევით საქმიანობას საქართველოს სამეცნიერო-კვლევით ან ავტორიზებულ უმაღლეს საგანმანათლებლო დაწესებულებაში.
3. კონკურსი ფინანსდება საქართველოს სახელმწიფო ბიუჯეტიდან და მის ადმინისტრირებას ახორციელებს საჯარო სამართლის იურიდიული პირი - შოთა რუსთაველის საქართველოს ეროვნული სამეცნიერო ფონდი (შემდგომში - ფონდი). კონკურსის დაფინანსებისათვის შესაძლებელია, არსებობის შემთხვევაში, გამოყენებული იქნას დაფინანსების სხვა წყარო.

მუხლი 2. ტერმინთა განმარტება

ამ წესში გამოყენებულ ტერმინებს აქვს შემდეგი მნიშვნელობა:

- ა) **ფონდი** - საჯარო სამართლის იურიდიული პირი შოთა რუსთაველის საქართველოს ეროვნული სამეცნიერო ფონდი;
- ბ) **გენერალური დირექტორი** - ფონდის გენერალური დირექტორი, რომლის ფუნქციებში შედის დასაფინანსებლად შერჩეული საკონკურსო განაცხადების დამტკიცება და, საჭიროების შემთხვევაში, საკონკურსო განაცხადებში ცვლილების შეტანის შესახებ გადაწყვეტილების მიღება;
- გ) **საკონკურსო განაცხადი** - დაფინანსების მოპოვების მიზნით, ამ წესით განსაზღვრული პირობების მიხედვით ფონდში წარდგენილი საკონკურსო განაცხადი;
- დ) **ახალგაზრდა მეცნიერი** - საქართველოს მოქალაქე, დოქტორის ან მასთან გათანაბრებული აკადემიური ხარისხის მქონე პირი, ახალგაზრდა მკვლევარი, რომლის აკადემიური ხარისხის მინიჭებიდან კონკურსის გამოცხადებამდე გასულია არაუმეტეს 7 წელი და ეწევა სამეცნიერო-კვლევით საქმიანობას საქართველოს სამეცნიერო-კვლევით ან ავტორიზებულ უმაღლეს საგანმანათლებლო დაწესებულებაში.
- ე) **შეფასების კრიტერიუმები** - ფონდში წარდგენილი საკონკურსო განაცხადების შესაფასებლად საკონკურსო კომისიისთვის განსაზღვრული, ამ წესით დამტკიცებული სახელმძღვანელო პრინციპები სათანადო ქულების მითითებით;
- ვ) **დამოუკიდებელი ექსპერტი** - პირი, რომელიც საჭიროების შემთხვევაში აფასებს კონკურსის ფარგლებში წარდგენილ საკონკურსო განაცხადებს;

ზ) **საკონკურსო კომისიები** - კონკურსზე დარეგისტრირებული საკონკურსო განაცხადების შემფასებელი ორგანო, რომელიც განიხილავს და აფასებს კონკურსში შემოსულ საკონკურსო განაცხადებს, საკონკურსო განაცხადების შეფასების კრიტერიუმების შესაბამისად;

თ) **სტიპენდია** - ახალგაზრდა მეცნიერის მიერ კონკურსის შედეგად მოპოვებული ყოველთვიური ანაზღაურება.

ი) **საანგარიშო პერიოდი** - ხელშეკრულებით განსაზღვრული დროის მონაკვეთი, რომლის განმავლობაშიც ახალგაზრდა მეცნიერი ახორციელებს სასტიპენდიო ხარჯვას და დასრულების შემდგომ წარუდგენს ფონდს პროგრამულ ანგარიშს;

კ) **სასტიპენდიო ანგარიში** - ანგარიში მოიცავს სასტიპენდიო განაცხადის დასრულების შემდგომ, ახალგაზრდა მეცნიერის (სტიპენდიანტი) მხრიდან ფონდში წარმოდგენილ პროგრამულ ანგარიშს;

ლ) **სასტიპენდიო ხელშეკრულების შესრულების მონიტორინგი** - ხელშეკრულებით შესრულების დამადასტურებელი ანგარიშის შემოწმება.

მ) **მიზნობრივი ანგარიში** - საგრანტო ხელშეკრულებაში განსაზღვრული ახალგაზრდა მეცნიერის მიერ პროექტისათვის გახსნილი საბანკო ანგარიში, რომელზეც არ დაირიცხება სარგებელი და მოხდება ყოველთვიურად სტიპენდიის ჩარიცხვა;

ნ) **ტრანში** - სტიპენდიით განსაზღვრული ყოველთვიურად გადასარიცხი/გადარიცხული სახსრები;

მუხლი 3. სტიპენდიის კატეგორიები და კონკურსის პირობები

1. კონკურსში მონაწილეობის მიღების უფლება აქვს საქართველოს მოქალაქე ახალგაზრდა მეცნიერს.
2. კონკურსის ფარგლებში წარმოდგენილი საკონკურსო განაცხადი ითვალისწინებს სახელობითი სტიპენდიის კატეგორიებს შემდეგ სამეცნიერო მიმართულებებში:
 1. **ნიკო კეცხოველის** სახელობის სტიპენდია საბუნებისმეტყველო მეცნიერებების მიმართულებით;
 2. **ალექსანდრე ქართველიშვილის** სახელობის სტიპენდია ინჟინერია და ტექნოლოგიების მიმართულებით;
 3. **ივანე ბერიტაშვილის** სახელობის სტიპენდია სამედიცინო და ჯანმრთელობის მეცნიერებების მიმართულებით;
 4. **დავით სარაჯიშვილის** სახელობის სტიპენდია აგრარული მეცნიერებების მიმართულებით;
 5. **დიმიტრი უზნაძის** სახელობის სტიპენდია სოციალური მეცნიერებების მიმართულებით;
 6. **ივანე ჯავახიშვილის** სახელობის სტიპენდია ჰუმანიტარული მეცნიერებების მიმართულებით;
 7. **ექვთიმე თაყაიშვილის** სახელობის სტიპენდია საქართველოს შესწავლელი მეცნიერებების მიმართულებით.
3. თითოეულ კატეგორიაში გამოვლინდება მხოლოდ ერთი გამარჯვებული.
4. სტიპენდია ახალგაზრდა მეცნიერს მიენიჭება, კონკურსის გამოცხადებამდე ბოლო სამი წლის განმავლობაში, მეცნიერებაში მიღწეული მიღწევებისათვის.
5. სასურველია კონკურსში მონაწილეობის მსურველ, ახალგაზრდა მეცნიერს ჰქონდეს გამოქვეყნებული ორი სამეცნიერო ნაშრომი მაღალრეიტინგულ ჟურნალში ან ერთი მონოგრაფია.
6. კონკურსში გამარჯვებულად გამოვლენილი ახალგაზრდა მეცნიერი მიიღებს ყოველთვიურ სტიპენდიას 1250 ლარის ოდენობით ერთი წლის განმავლობაში და იღებს ვალდებულებას 1 წლის განმავლობაში ჩაატაროს: 4 სამეცნიერო საჯარო ლექცია (2 მეთოდოლოგიური და 2 სამეცნიერო კვლევის მიმართულებით) საქართველოს რეგიონების (გარდა თბილისისა) ზოგადსაგანმანათლებლო დაწესებულებების პედაგოგებისათვის და 2 სამეცნიერო საჯარო ლექცია (1 მეთოდოლოგიური და 1 სამეცნიერო კვლევის მიმართულებით) მასწავლებელთა პროფესიული განვითარების ეროვნულ ცენტრში, ქ. თბილისის ზოგადსაგანმანათლებლო დაწესებულებების პედაგოგებისათვის.

7. კონკურსში გამარჯვებული ახალგაზრდა მეცნიერი ასევე ვალდებულია სტიპენდიის დასრულებისას, სამეცნიერო-კვლევითი მიღწევების შესახებ საპოსტერო მოხსენებით წარდგეს ფონდის მიერ ორგანიზებულ კონფერენციაზე.
8. დადგენილი ვადის და ფორმის დარღვევით წარმოდგენილი საკონკურსო განაცხადები საკონკურსოდ არ განიხილება.
9. საგრანტო ხელშეკრულებით გათვალისწინებულ სტიპენდიას, ყოველთვიური ტრანშების სახით ფონდი რიცხავს ავანსად ახალგაზრდა მეცნიერის მიზნობრივ ანგარიშზე.

მუხლი 4. სასტიპენდიო კონკურსის ადმინისტრირება

1. სტიპენდიის მოპოვება შესაძლებელია მხოლოდ კონკურსის წესით. კონკურსს აცხადებს და ადმინისტრირებას უწევს ფონდი ამ წესითა და ფონდის გენერალური დირექტორის ინდივიდუალური ადმინისტრაციულ-სამართლებრივი აქტით გათვალისწინებული პროცედურების მიხედვით.
2. ფონდი უზრუნველყოფს:
 - ა) საკონკურსო დოკუმენტაციის მიღების ვადების დადგენას; კონკურსის პროგრამისა და პირობების, საკონკურსო განაცხადის ფორმების, სასტიპენდიო დოკუმენტაციისა და სასტიპენდიო ანგარიშების შესრულების ფორმების შემუშავებასა და დამტკიცებას;
 - ბ) კონკურსის გამოცხადებას;
 - გ) კონკურსში რეგისტრირებული საკონკურსო განაცხადების ტექნიკურ ექსპერტიზას, რაც გულისხმობს წარმოდგენილი საკონკურსო განაცხადების დოკუმენტაციის შესაბამისობის დადგენას კონკურსის პირობებთან;
 - დ) საკონკურსო განაცხადების შეფასებისათვის აუცილებელი პროცედურების უზრუნველყოფას;
 - ე) საკონკურსო კომისიის მიერ შეფასების კრიტერიუმების შესაბამისად საკონკურსო განაცხადების განხილვას, რანჟირებული სიების დადგენას და გამარჯვებული საკონკურსო განაცხადების გამოვლენას;
 - ვ) გამარჯვებული კანდიდატების დამტკიცებას გენერალური დირექტორის მიერ;
 - ზ) კონკურსის შედეგების საჯარო გამოცხადებას.

მუხლი 5. კონკურსზე რეგისტრაციის წესი

1. კონკურსში მონაწილეობისათვის ახალგაზრდა მეცნიერი, გრანტების მართვის ერთიან სისტემაში GMUS-ში (შემდეგ ბმულზე: <http://gmus.rustaveli.org.ge>) ელექტრონულად არეგისტრირებს საკონკურსო განაცხადს, რომელიც შედგება შემდეგი დოკუმენტებისგან:
 - ა) კრებსითი ინფორმაცია (დანართი ივსება GMUS-ში პროექტის რეგისტრაციის დროს);
 - ბ) განმცხადებლის პროფესიული ბიოგრაფია CV გენერირებული გრანტების მართვის ერთიანი სისტემიდან GMUS-იდან ქართულ ენაზე (დანართი იტვირთება GMUS - ში PDF დოკუმენტის სახით);
 - დ) კონკურსის გამოცხადებამდე ბოლო სამი წლის განმავლობაში (2020, 2021, 2022 წლები) გამოქვეყნებული, გამორჩეული სამეცნიერო ნაშრომები ინტერნეტ ბმულის მითითებით (დანართი იტვირთება GMUS - ში PDF დოკუმენტის სახით);
 - ე) ახალგაზრდა მეცნიერის სამოტივაციო წერილი, რომელშიც აღწერილია სამეცნიერო-კვლევითი თემატიკის ღირებულება და მნიშვნელობა; მეცნიერების პოპულარიზაციის კუთხით განხორციელებული აქტივობები; საზოგადოებრივი აქტივობები/მოხალისეობა, რომელიც ემსახურებოდა დარგის განვითარებას (დანართი იტვირთება GMUS - ში PDF დოკუმენტის სახით);

დ) დამატებითი დოკუმენტაცია: სერტიფიკატი, ჯილდო, პრიზი, და სხვა (იტვირთება GMUS - ში ერთიანი PDF დოკუმენტის სახით);

ე) სამეცნიერო ხარისხის დამადასტურებელი დოკუმენტი, იტვირთება „მეცნიერის პროფილში“

ვ) ცნობა სამეცნიერო ან აკადემიური საქმიანობის შესახებ 2022 წლის მდგომარეობით, იტვირთება „მეცნიერის პროფილში“.

2. კონკურსით მოთხოვნილი საკონკურსო დოკუმენტაცია იტვირთება GMUS-ში **2022 წლის 1 აგვისტოდან 29 აგვისტოს 18:00 საათამდე.**

3. „განაცხადება კონკურსში მონაწილეობის შესახებ“ ამობეჭდილი და ხელმოწერილი წარმოდგენილი უნდა იქნას ფონდის კანცელარიაში **2022 წლის 5 სექტემბრის 18:00 საათამდე.**

4. ფონდი უფლებამოსილია, კონკურსის ნებისმიერ ეტაპზე კონკურსიდან მოხსნას საკონკურსო განაცხადები, რომლებიც არ შეესაბამება კონკურსის მიზნებისათვის დადგენილ მოთხოვნებს ან შეიცავს ყალბ ინფორმაციას.

მუხლი 6. საკონკურსო განაცხადების შეფასება

1. ფონდის გენერალური დირექტორი ინდივიდუალური ადმინისტრაციულ-სამართლებრივი აქტით ქმნის საკონკურსო კომისიას და განსაზღვრავს მის მუშაობის წესს;

2. საკონკურსო კომისია უფლებამოსილია, საჭიროების შემთხვევაში, მოიწვიოს დამატებითი დამოუკიდებელი ექსპერტი;

3. შეფასება ხორციელდება კომისიის მიერ ამ წესის მე-12 მუხლით განსაზღვრული შეფასების კრიტერიუმების გამოყენებით.

4. საკონკურსო კომისია განიხილავს და აფასებს კონკურსში შემოსულ საკონკურსო განაცხადებს; შეფასების კრიტერიუმების შესაბამისად ადგენს რანჟირებულ სიებს და ავლენს გამარჯვებულებს;

5. გენერალური დირექტორი ინდივიდუალური სამართლებრივი აქტით ამტკიცებს საკონკურსო კომისიის მიერ გამოვლენილ გამარჯვებულ საკონკურსო განაცხადებს.

მუხლი 7. ინტერესთა კონფლიქტი

1. დაუშვებელია საკონკურსო კომისიის წევრი იყოს ამავე კონკურსის მონაწილე.

2. არ შეიძლება საკონკურსო განაცხადების შეფასების და დამტკიცების პროცესში მონაწილეობდეს საკონკურსო კომისიის წევრი:

ა) რომელსაც აქვს საერთო პუბლიკაცია საკონკურსო განაცხადის წარმდგენთან, ან მონაწილეობდა მასთან ერთსა და იმავე სამეცნიერო-კვლევით პროექტში, ან მუშაობს ერთსა და იმავე სტრუქტურულ ერთეულში (ფაკულტეტი, დეპარტამენტი);

3. ამ დებულების მიზნებისათვის ნათესავად ჩაითვლება:

ა) პირდაპირი ხაზის ნათესავი;

ბ) მეუღლე, მეუღლის და-ძმა და პირდაპირი ხაზის ნათესავი;

გ) აღმავალი ხაზის პირდაპირი ნათესავის და-ძმა;

დ) და-ძმა, მათი მეუღლეები და შვილები.

4. საკონკურსო კომისიის წევრი ვალდებულია გენერალურ დირექტორს ოფიციალურად აცნობოს ამ მუხლში აღნიშნული გარემოებებისა და თვითაცილების შესახებ.

5. იმ შემთხვევაში, თუ ინფორმაცია საკონკურსო წევრის ინტერესთა კონფლიქტის შესახებ ფონდისთვის ცნობილი გახდა დასაფინანსებლად შერჩეული საკონკურსო განაცხადების ფონდის მიერ

დამტკიცებამდე, ფონდი უფლებამოსილია იმსჯელოს შესაბამისი საკონკურსო კომისიის წევრის მიერ გაკეთებული შეფასების გაუქმებასთან დაკავშირებით.

მუხლი 8. ხელშეკრულება

გამარჯვებულების დამტკიცების შემდეგ, ფონდი უზრუნველყოფს ახალგაზრდა მეცნიერთან ხელშეკრულებების გაფორმებას, რომელშიც დეტალურად გაიწერება ურთიერთვალდებულებათა პირობები.

მუხლი 9. შესრულების მონიტორინგი

1. დაფინანსებული ახალგაზრდა მეცნიერი ვალდებულია საანგარიშო პერიოდის ბოლოს ფონდის გენერალური დირექტორის მიერ დამტკიცებული ფორმების შესაბამისად, ფონდს წარუდგინოს პროგრამული აქტივობების ანგარიში.
2. ფონდი ახორციელებს დაფინანსებული საკონკურსო განაცხადების სასტიპენდიო ხელშეკრულების შესრულების მონიტორინგს, რომლის დროსაც განიხილავს სტიპენდიანტის მიერ წარმოდგენილ ანგარიშს და ადგენს შესაბამის განხილვის აქტს.
3. მონიტორინგი მოიცავს პროგრამულ მონიტორინგს.
პროგრამული მონიტორინგი გულისხმობს სასტიპენდიო ხელშეკრულებით გათვალისწინებული ვალდებულებების შესრულების დამადასტურებელი ანგარიშის შემოწმებას. ფონდი უფლებამოსილია პროგრამული მონიტორინგის ფარგლებში განახორციელოს ადგილზე ვიზიტები, სასტიპენდიო ხელშეკრულებით განსაზღვრული პროცედურების მიხედვით.
4. სტიპენდიანტის მიერ წარმოდგენილი ანგარიშების შემოწმების საფუძველზე მომზადებული განხილვის აქტები ფონდის მიერ შესაძლოა გამოყენებულ იქნეს სტიპენდიანტის მიერ მომავალ სასტიპენდიო კონკურსებში მონაწილეობისას წარდგენილი საკონკურსო განაცხადების შეფასებისას.
5. ანგარიშის განხილვისას საგრანტო პროექტით გათვალისწინებული ვალდებულებების შეუსრულებლობის შემთხვევაში გრანტის მიმღებს განესაზღვრება ხარვეზის გამოსწორების გონივრული ვადა.

მუხლი 10 პროექტის შეჩერება, შეწყვეტა და დასრულება

ფონდი, საქართველოს კანონმდებლობის შესაბამისად, შეწყვეტს სტიპენდიის გაცემას (შესაბამისად, შეწყდება პროექტი), თუ: ახალგაზრდა მეცნიერმა არ შეასრულა ხელშეკრულებით გათვალისწინებული ვალდებულებები ან/და ანგარიშში წარადგინა ყალბი ინფორმაცია.

მუხლი 11. დამატებითი მოთხოვნები ახალგაზრდა მეცნიერთა მიმართ

1. კონკურსში გამარჯვების შემთხვევაში, ახალგაზრდა მეცნიერმა (ერთი თვის ვადაში) უნდა წარმოადგინოს Power point-ში მომზადებული სამეცნიერო საჯარო ლექციების ვიზუალიზაცია, რომელიც შემდგომში განთავსდება ფონდის ვებგვერდზე და გავრცელდება სოციალური მედიის საშუალებით.
2. საჯარო ლექციების ფარგლებში შექმნილი ვიზუალური პროდუქცია (ფოტო, აუდიო, ვიდეო მასალები, პრეზენტაციები, ბუკლეტები, ფლაერები და ან სხვა ტიპის მასალები) განთავსდება ფონდის ოფიციალურ ვებგვერდზე, YouTube-ის არხზე და გავრცელდება სოციალური მედიის საშუალებით.

მუხლი 12. საკონკურსო განაცხადების შეფასების კრიტერიუმები

1. საკონკურსო განაცხადები შეფასდება შემდეგი კრიტერიუმების შესაბამისად:

	კრიტერიუმები	სუსტი	საშუალო	საუკეთესო	ჯამური შეფასება
1	სამეცნიერო პროდუქტიულობა სამეცნიერო ნაშრომები და კვლევითი საქმიანობის შედეგები (ბოლო სამი წლის განმავლობაში)	1-5	6-8	9-10	
2	ცნობადობა და აღიარება სამეცნიერო საზოგადოებაში ეროვნულ და საერთაშორისო სამეცნიერო ღონისძიებებში მონაწილეობა (სამეცნიერო კონფერენციები, სემინარები, ფორუმები) სამეცნიერო ჟილდოები, პრიზები, სტიპენდიები და სხვა	1-5	6-8	9-10	
3	აკადემიური კომპეტენციები ახალგაზრდა თაობასთან მუშაობის და ცოდნის გაზიარების გამოცდილება აკადემიური და პროფესიული კარიერა	1-5	6-8	9-10	
4	საზოგადოებრივი აქტივობები მეცნიერების პოპულარიზაციის კუთხით განხორციელებული აქტივობები (საჯარო, სამეცნიერო-პოპულარული ლექციები, სამეცნიერო/შემეცნიებითი სატელევიზიო და რადიო გადაცემებში მონაწილეობა), ინტერდისციპლინური თანამშრომლობა და სხვა	1-5	6-8	9-10	
	შემაჯამებელი კომენტარი				

ა) შეფასების თითოეული კრიტერიუმი ფასდება 10-ქულიანი სისტემით და ჯამური მაქსიმალური შეფასება არის 40 ქულა.

ბ) თანაბარი ქულების დაგროვების შემთხვევაში, უპირატესობა მიენიჭება იმ საკონკურსო განაცხადს, რომელიც ჯამურად მაღალ ქულას დააგროვებს თანმიმდებრულად პირველ, შემდეგ მეორე, მესამე და მეოთხე კრიტერიუმებში.

შეფასება ქულით	შეფასება	განმარტება
1-5	სუსტი	საკონკურსო განაცხადი არაადეკვატურად ან ზოგადად პასუხობს მოცემულ ქვეკრიტერიუმს, გართულებულია შეფასება არასაკმარისი, ბუნდოვანი ან შეუსაბამო ინფორმაციის გამო.
6-8	საშუალო	საკონკურსო განაცხადი კარგად პასუხობს მოცემულ ქვეკრიტერიუმს, მაგრამ აქვს გარკვეული ხარვეზები და საჭიროებს გაუმჯობესებას.
9-10	საუკეთესო	საკონკურსო განაცხადი საუკეთესოდ პასუხობს მოცემულ ქვეკრიტერიუმს.

ივსება გრანტების მართვის ერთიან სისტემაში GMUS-ში (Grants Management Unified System)
პროექტის რეგისტრაციის დროს

კონკურსი ახალგაზრდა მეცნიერთათვის სტიპენდიის მოსაპოვებლად

**კრებლთი ინფორმაცია კონკურსის შესახებ
ზოგადი ინფორმაცია**

1	სტიპენდიის კატეგორია	<ul style="list-style-type: none"> • ნიკო კეცხოველის სახელობის სტიპენდია საბუნებისმეტყველო მეცნიერებების მიმართულებით • ალექსანდრე ქართველიშვილის სახელობის სტიპენდია ინჟინერია და ტექნოლოგიების მეცნიერებების მიმართულებით • ივანე ზერიტაშვილის სახელობის სტიპენდია სამედიცინო და ჯანმრთელობის მეცნიერებების მიმართულებით • დავით სარაჯიშვილის სახელობის სტიპენდია აგრარული მეცნიერებების მიმართულებით • დიმიტრი უზნაძის სახელობის სტიპენდია სოციალური მეცნიერებების მიმართულებით • ივანე ჯავახიშვილის სახელობის სტიპენდია ჰუმანიტარული მეცნიერებების მიმართულებით • ექვთიმე თაყაიშვილის სახელობის სტიპენდია საქართველოს შესწავლელი მეცნიერებების მიმართულებით
2	სამოტივაციო წერილი	PDF ფაილის ატვირთვა
3	სამეცნიერო ნაშრომები	PDF ფაილის ატვირთვა
4	დამატებითი დოკუმენტაცია: სერტიფიკატი, ჯილდო, პრიზი და სხვა	PDF ფაილის ატვირთვა
5	ახალგაზრდა მეცნიერის პირადი ნომერი	
6	ახალგაზრდა მეცნიერის სრული სახელი	
7	დაბადების თარიღი	
8	ელ. ფოსტა	
9	ტელეფონი	
10	პროფესიული ბიოგრაფია (GEO)	PDF ფაილის ატვირთვა

პირადი ინფორმაცია

საკონტაქტო ინფორმაცია

პირადი ნომერი:

ელ.ფოსტა:

სრული სახელი:

მობილურის ნომერი:

სქესი:

ქვეყანა:

დაბადების თარიღი:

ქალაქი:

მოქალაქეობა:

მისამართი:

ენები

ენა	წერა	კითხვა	მეტყველება

განათლება

უმაღლესი აკადემიური ხარისხი/სტატუსი

აკადემიური ხარისხი/სტატუსი:

მინიჭების თარიღი:

მიღებული განათლება

აკადემიური ხარისხი/სტატუსი	დაწესებულების დასახელება	ქვეყანა	სპეციალობა	დაწყების წელი	დასრულების წელი

ტრენინგები/სემინარები/სასწავლო კურსები

ორგანიზაციის დასახელება	ტრენინგის / სემინარის / სასწავლო კურსის თემა	დაწყების წელი	დასრულების წელი

პროექტები

მიმდინარე პროექტები

პროექტის დასახელება	პოზიცია	პროექტის ხელმძღვანელი	დაწყების თარიღი	დონორი

დასრულებული პროექტები

პროექტის დასახელება	პოზიცია	პროექტის ხელმძღვანელი	დაწყების თარიღი	დასრულების თარიღი	დონორი

სამეცნიერო მიმართულებები

ძირითადი მიმართულებები

მიმართულება:

ქვე-მიმართულება:

კატეგორია:

დასაქმების ისტორია

მიმდინარე სამუშაო ადგილ(ებ)ი

სამუშაო ადგილი	სტრუქტურული ერთეულის დასახელება	თანამდებობა	მოვალეობები	დაწყების თარიღი

სამეცნიერო პროდუქტიულობა

პატენტები

დასახელება	გამცემი ორგანიზაცია	სარეგისტრაციო ნომერი	გაცემის წელი

სხვა პროდუქტები

პროდუქტის ტიპი	სარეგისტრაციო ნომერი	გაცემის წელი

სტატია / მონოგრაფია / სახელმძღვანელო

ტიპი	ავტორ(ებ)ი	სათაური	ჟურნალი	წელი

სტიჰენდიები და ჯილდოები

სტიჰენდიის/ჯილდოს დასახელება	გამცემი	მიღების წელი

სამეცნიერო ფორუმებში მონაწილეობა

სამეცნიერო ფორუმის დასახელება	მოხსენების სათაური	ჩატარების ადგილი	წელი

პროდუქტიულობის მაჩვენებელი

#	ციტირების ინდექსი	h-ინდექსი
Google Scholar		
Web-of-Science		
Scopus		

დანართი №4
დამტკიცებულია
სსიპ – შოთა რუსთაველის საქართველოს ეროვნული სამეცნიერო
ფონდის გენერალური დირექტორის
2022 წლის 29 ივლისის N144 ბრძანებით

სამეცნიერო ნაშრომები

კონკურსის გამოცხადებამდე ბოლო სამი წლის განმავლობაში (2020, 2021, 2022 წლები)
გამოქვეყნებული სამეცნიერო ნაშრომები

ავტორი / ავტორები	სათაური	ჟურნალი / გამომცემლობა	გამოცემის წელი	ბმული	

შენიშვნა: აუცილებელია მითითებული იყოს სამეცნიერო ნაშრომის ბმული/ლინკი.

დანართი №5
დამტკიცებულია
სსიპ – შოთა რუსთაველის საქართველოს ეროვნული სამეცნიერო
ფონდის გენერალური დირექტორის
2022 წლის 29 ივლისის N144 ბრძანებით

სამოტივაციო წერილი

გთხოვთ აღწეროთ, თქვენი სამეცნიერო-კვლევითი თემატიკის ღირებულება, მნიშვნელობა და მიღწევები; აკადემიური კომპეტენციები; მეცნიერების პოპულარიზაციის კუთხით განხორციელებული აქტივობები; საზოგადოებრივი აქტივობები/მოხალისეობა, რომელიც ემსახურებოდა დარგის განვითარებას

(რეკომენდირებულია არაუმეტეს 800 სიტყვა)

გ ა ნ ც ხ ა დ ე ბ ა

2022 წლის ახალგაზრდა მეცნიერთათვის სტიპენდიის მოსაპოვებლად კონკურსში მონაწილეობის შესახებ

წარმოგიდგენთ რა ინფორმაციას საკონკურსო განაცხადის შესახებ, ვადასტურებ, რომ გავეცანი სსიპ შოთა რუსთაველის საქართველოს ეროვნული სამეცნიერო ფონდის გენერალური დირექტორის 2022 წლის 29 ივლისის N144 ბრძანებით დამტკიცებულ ახალგაზრდა მეცნიერთათვის სტიპენდიის მოსაპოვებლად კონკურსის წესს და ხელმოწერით ვაცხადებ თანხმობას, მონაწილეობა მივიღო კონკურსში ზემოთ ხსენებული დოკუმენტებით დადგენილი წესებისა და პირობების დაცვით.

ვადასტურებ, რომ ჩემ მიერ ფონდის გრანტების მართვის ერთიან სისტემაში (GMUS) რეგისტრირებული საკონკურსო განაცხადისთვის წარმოდგენილი ინფორმაცია ზუსტია და არ შეიცავს ყალბ მონაცემებს. ახალგაზრდა მეცნიერი ვიღებ პასუხისმგებლობას, რომ წარმოდგენილი საკონკურსო განაცხადი არ შეიცავს პლაგიატის ელემენტებს.

ვეთანხმები, რომ ფონდი უფლებამოსილია, კონკურსის ნებისმიერ ეტაპზე გადაამოწმოს საკონკურსო განაცხადის შესაბამისობა კონკურსის მიზნებისათვის დადგენილ მოთხოვნებთან. წარმოდგენილი ინფორმაციის სიზუსტე და რაიმე სიყალბის აღმოჩენის შემთხვევაში, მოხსნას წარმოდგენილი საკონკურსო განაცხადი კონკურსიდან.

გთხოვთ, განიხილოთ ჩემი საკონკურსო განაცხადი ახალგაზრდა მეცნიერთათვის სტიპენდიის მოსაპოვებლად 2022 წლის კონკურსში მონაწილეობის მისაღებად.

სტიპენდიის კატეგორია	<ul style="list-style-type: none"> • ნიკო კეცხოველის სახელობის სტიპენდია საბუნებისმეტყველო მეცნიერებების მიმართულებით • ალექსანდრე ქართველიშვილის სახელობის სტიპენდია ინჟინერია და ტექნოლოგიების მიმართულებით • ივანე ბერიტაშვილის სახელობის სტიპენდია სამედიცინო და ჯანმრთელობის მეცნიერებების მიმართულებით • დავით სარაჯიშვილის სახელობის სტიპენდია აგრარული მეცნიერებების მიმართულებით • დიმიტრი უზნაძის სახელობის სტიპენდია სოციალური მეცნიერებების მიმართულებით • ივანე ჯავახიშვილის სახელობის სტიპენდია ჰუმანიტარული მეცნიერებების მიმართულებით • ექვთიმე თაყაიშვილის სახელობის სტიპენდია საქართველოს შესწავლელი მეცნიერებების მიმართულებით
-----------------------------	--

ახალგაზრდა მეცნიერი

სახელი და გვარი	
ელექტრონული ფოსტა	
ტელეფონის ნომერი	
ხელმოწერა	